

09
06
10.10.2025
07

Broj: 03-02-975-3/2025 EL
Sarajevo, 07.10.2025. godine

FEDERALNO MINISTARSTVO KULTURE I SPORTA
gđa. Sanja Vlasisavljević, ministar

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO KULTURE I ŠPORTA
FEDERALNO MINISTARSTVO KULTURE I ŠPORTA
SARAJEVO

Primljeno 10-10-2025			
Org. jed.	Klasif. oznaka	Recep. broj	Služb. štamp.
06	11-10	4796/25	

FEDERALNO MINISTARSTVO FINANSIJA/FINANCIJA
gosp. Toni Kraljević, ministar

Poštovani,

U prilogu Vam dostavljam Odluku o usvajanju Programa utroška sredstava s kriterijima raspodjele dijela sredstava tekućeg transfera neprofitnim organizacijama – Kulturna društva i druge institucije utvrđenog Budžetom Federacije Bosne i Hercegovine za 2025. godinu Federalnom ministarstvu kulture i sporta – Federalnom ministarstvu kulture i športa, V. broj: 1579/2025 od 07.10.2025. godine, koju je Vlada Federacije Bosne i Hercegovine donijela na 245. hitnoj sjednici, održanoj 07.10.2025. godine.

S poštovanjem,



SEKRETAR VLADE

dr. sc. Edita Kalajdžić

Prilog: Kao u tekstu

Na osnovu člana 33. stav (1) tačka I) i stav (2) i člana 37. Zakona o izvršavanju Budžeta Federacije Bosne i Hercegovine za 2025. godinu („Službene novine Federacije BiH“, broj: 7/25), Vlada Federacije Bosne i Hercegovine, na 245. hitnoj sjednici, održanoj 07.10.2025. godine, donosi

**ODLUKU
O USVAJANJU PROGRAMA UTROŠKA SREDSTAVA S KRITERIJIMA
RASPODJELE DIJELA SREDSTAVA TEKUĆEG TRANSFERA NEPROFITNIM
ORGANIZACIJAMA – KULturna DRUŠTVA I DRUGE INSTITUCIJE UTVRĐENOG
BUDŽETOM FEDERACIJE BOSNE I HERCEGOVINE ZA 2025. GODINU
FEDERALNOM MINISTARSTVU KULTURE I ŠPORTA – FEDERALNOM
MINISTARSTVU KULTURE I SPORTA**

I.

Usvajaju se Program i kriteriji raspodjele dijela sredstava tekućeg transfera neprofitnim organizacijama - Kulturna društva i druge institucije Federalnog ministarstva kulture i sporta - Federalnog ministarstva kulture i športa utvrđen u razdjelu 52. Budžeta Federacije Bosne i Hercegovine za 2025. godinu („Službene novine Federacije BiH“, broj: 7/25).

II.

Raspodjela dijela sredstava tekućeg transfera utvrđenog ovom odlukom vršiće se u skladu s opštim i posebnim kriterijima.

Opšti i posebni kriteriji utvrđeni su za transfer i pojedinačne programe unutar transfera i navedeni u tački III. ove odluke.

III.

Raspodjela dijela sredstava tekućeg transfera vršiće se za programe i projekte kako slijedi:

Kulturna društva i druge institucije

Br.	Naziv programa	Svrha programa	Organizacija- Primalac	Iznos
1	2	3	4	5
1.	Projekti i programi nacionalnih zajednica kulture	Podrška projektima i programima isključivo nacionalnih zajednica kulture	Bošnjačka zajednica kulture u BiH, SPKD „Prosvjeta“, HKD „Napredak“, JKPHD „La Benevolencija“	1.050.000,00
UKUPNO				1.050.000,00

Program 1. Projekti i programi nacionalnih zajednica kulture**1. Opšti kriteriji:**

1. Usklađenost projektnih aktivnosti s misijom očuvanja i razvoja nacionalnog identiteta i kulturne baštine zajednica;
2. Kvaliteta i jasnoća projektne koncepcije i ciljeva;
3. Društveni značaj i doprinos interkulturnom dijalogu i multikulturalnosti;
4. Kapacitet organizatora za provedbu projekta (organizacijska struktura, iskustvo, resursi);
5. Održivost projekta i mogućnost kontinuiteta djelovanja;
6. Vidljivost i dostupnost programa javnosti.

2. Posebni kriteriji:

1. Jasno izražena povezanost programa s kulturnom tradicijom i identitetom nacionalne zajednice;
2. Aktivno uključivanje članova zajednice svih generacija, s posebnim naglaskom na prenos znanja i tradicije;
3. Saradnja s drugim institucijama nacionalnih zajednica ili krovnim kulturnim organizacijama matične zemlje;
4. Programska raznolikost i obuhvaćenost različitih oblika kulturnog izraza (jezik, muzika, ples, običaji, književnost, itd.);
5. Edukativni karakter i doprinos očuvanju jezika i kulturne pismenosti nacionalne zajednice;
6. Dokaz o prethodno uspješno realizovanim sličnim projektima;
7. Geografska ravnoteža – obuhvaćenost i manjinskih ili ruralnih sredina gdje žive pripadnici zajednica;
8. Transparentnost u upravljanju projektom i uključivanju članstva u planiranje i provedbu aktivnosti.

IV.

Sredstva iz tačke III. ove odluke dodijelit će se na osnovu Sporazuma između Vlade Federacije Bosne i Hercegovine i temeljnih organizacija kulture naroda BiH - Bošnjačkom zajednicom kulture u BiH, Hrvatskim kulturnim društvom „Napredak“, Srpskim prosvjetnim i kulturnim društvom „Prosvjeta“ i Jevrejskim kulturno-prosvjetnim i humanitarnim društvom „La Benevolencija“.

V.

U skladu s ovom odlukom, pojedinačne ugovore o dodjeli sredstava s korisnicima potpisuje federalni ministar kulture i sporta.

VI.

Korisnici sredstava su obavezni dodijeljena sredstva koristiti namjenski i dostaviti izvještaj s kompletnom dokumentacijom kojom se dokazuje namjenski utrošak sredstava u roku koji će biti regulisan ugovorom. Izvještaji obavezno sadrže i gender analizu krajnjih korisnika/ica ovih sredstava.

VII.

Federalno ministarstvo kulture i sporta vršiće kontinuiranu kontrolu namjenskog utroška odobrenih sredstava korisnicima. Kontrola će se vršiti na osnovu dostavljenih izvještaja korisnika, a po potrebi i neposredno kod korisnika dodijeljenih sredstava.

VIII.

Za realizaciju ove odluke zadužuju se Federalno ministarstvo kulture i sporta i Federalno ministarstvo finansija, svako u okviru svoje nadležnosti.

IX.

Ova odluka stupa na snagu narednog dana od dana objavljivanja u „Službenim novinama Federacije BiH“.

V. broj: 1579/2025
07.10.2025. godine
Sarajevo

